

BITKA NA HENDEKU (ILI BITKA PROTIV SAVEZNIKA)

غزوة الأحزاب

Jedan broj židovskih prvaka iz Medine uputio se Kurejšijama u Meku kako bi ih nagovorili na pohod protiv Muhammeda, s.a.v.s. Oni su im pri tome obećali pomoć i izdaju Poslanika, s.a.v.s., u slučaju napada na Medinu.

Oni su nagovorili i neka druga arapska plemena, tako da je ukupan broj mušrika iz plemena Kurejš, Gatafan i dr. bio deset hiljada boraca prozvanih "saveznici". Svi oni se uputiše u pravcu Medine.

Saznavši za namjere "saveznika", Muhammed, s.a.v.s., zatraži savjet od ashaba, te Selman el-Farisi izloži ideju kopanja velikog hendeka-kanala kroz dolinu oko jedne strane Medine, s koje su mušrici jedino mogli prići. Svi ashabi učestvovali su u kopanju hendeka, a s njima i Allahov, dž.š., Poslanik, s.a.v.s.

Stigavši do Medine, mušrici ugledaše pred sobom kanal koji ne mogahu preći, te se ulogore ispred njega.

Allah, dž.š., zatim posla strašnu oluju, koja je čupala i rušila mušričke šatore i prevrtala njihove kazane s vatre. Uz to, židovi, koji su obećali pomoć mušricima, napustiše ih, te se oni vrata prema Meki osramočeni.

Muhammed, s.a.v.s., poslije se uputi prema židovima iz plemena Benu-Kurejza, te ih poslije borbe pobijedi. Tako muslimani zauzmu njihova utvrđenja. Bila je to kazna za njihovu izdaju i kršenje ugovora.